


Deftere Bikkon

Don sappina



Laamiibe

Boodde,

Laamiibe

Woodaka



Windowo: Edward Hughes

**Didowo: Lazarus
Alastair Paterson**

Mo'inowo: Ruth Klassen

Lornowo: The Bible Society of Nigeria

**Wanginowo: Bible for Children
www.M1914.org**

©2024 Bible for Children, Inc.


**Jarfuye: A don mari jarfu windugo mala wurtinugo tariya
ndu nder masin, to na je sippugo.**




**Dum laati nyalande
mettudum haa Manassa.
Jooni nyaako maako,
Hezekiya maayi. Jooni,
duubi Manassa sappo e didi,
o laamina laamiido keso, o
laamoto dow yimbe Allah
nder Yahhuda. O anndaa
dum sam, amma o laamoto
duubi sappande njowo e
njowo. Manassa yidi
wallinde Allah ngam o laata
laamiido boodfo.**




Amma Manassa hoyfinii Allah, o wadi kalludum. Manassa nyibti sakkirdeeji ngam rewuki lawru. O wadi suura sehaanga o ndaarni ndu nder Haykaleeru Allah Seenide. Allah wi'i heedi Muusa, "A wadata goddi suuraaji sehaadi. A diccintaa di, malla a jaggana di.



**Manassa wadi kuude
sarwotoobe maaybe e
laarooobe sirriijum. O
ɗowi yimbe be dayotiri
bee Allah. Laamiido on
wulani labbi bibbe
muudum darnde
sakkirle. Soynde
ɗowtaare Manassa
mettini Allah masin.**



Sa'i yimbe Maako dowtanay mo, Allah don acca be ngam be hiitoy. Do woni ko fe'i bee Manassa e yimbe o laamoto dow mabbe. Jawmiraawo waddi honoobe Assura dow mabbe. Be nangi Manassa be kabbi mo bee callalluji njamdi be njaari mo Baabila.






**Nder billare maako haa
Baabila, Manassa tori
Jawmiraawo, Allah
muudum. O lestini hoore
maako masin yeeso Allah
maamiraabe maako, o wadi
do'a to maako. Mi meetataa
do'ango labbi waatibe!
Ammaa, Allah geeto jaaboto
Manassa gada hallende
maako fuu boo?**




**Non! Allah nani do'are laamiido,
o ngartiri mo Urusaliima, dow
leeso laamu, dow darnde laamiido
dow yimbe. Nden Manassa anndi
dow Jawmiraawo woni Allah.**



**Manassa warti goddo keso. O hoo'i suura gonde
nder haykaleeru o mobti dowanteebe hobbe gonde
nder Urusaliima fuu. O sakkini di fuu. O mo'ini
sakkirde Jawmiraawo, o lii'i lii'aare yettoore.
Nden o umri yimbe dow be jaggana Jawmiraawo
Allah Isra'iila. Waylitaare dume nder Manassa!**




**Sa'i Manassa maayi, biiyum, Amon lortani rewuki
lawru. Ammaa o lestinay hoore maako yeeso
Jawmiraawo bana Manassa. Nde Amon wadi hakke
dow hakke, jaggiibe maako mbari mo nder saare
maako. O laamii duubi didi tan.**



**Laamiido tokkiti baawo, woni
Yusiya, o laamii o don maari
dubi joweetati. O wadi laamu
duubi sappande tati e go'o, o
wadi ko laati boodfum haa gite
Allah. O halki rewuki pewe e
dowanteebe pewe fuu. To
goonga kam, Yusiya nami labbi
fuu ngarti kuroori diggundi.**



**Yusiya laamiido booddo mbuuwi,
o loori o mo'ini Haykaleeru Allah.
Nder mbuuri din limanjo hebti
Deftere Umrore Jawmiraawo,
dum o hokki no Muusa.**




**Sa'i laamiido nani wolde
Deftere Umrore nde'e, o
seeki limce mum nder
mettamberam. Yusiya anndi
maamiraabe maako halluube
kulnidum nder saluki
dowtango umroore Allah.**




**Annabiijo debbo, mbi'eteedo Hulda hokki Yusiya
jaawaabu Allah. "Nda no Jawmiraawo wi'i,
'Raa, mi waddan naalude gondi nder deftere nde
haa nokkuure nde ngam be acci yam.'"**

**Ammaa ngam Yusiya lestini hoore
maako e dowtaado, mi ngadata dum
jooi sey gada maayde maako.**



**Allah walliti Yusiya, o dowi yimbe maako, o ngartiri be
to Allah. Nyalaade feere, Yusiya ardini honoobe maako
nder konu, fidoobe kuuri nder konoobe maako nawni
mo masin. Maccube maako
hoori mo saare haa Urusaliima
nder moota pucci, ton o maayi.
Yimbe fuu mboyi, be
yimi gimi dow laamiido
Yusiya boodfo.**





**Tikkungel gada don, laamu
maajum ngari haa timmorde.
Ammaa laamiido laamooto
dow Isra'iila fahin.
Innde maako woni
LAAMIIDO LAAMIIBE
E JAWMIRAAWO
JAWMIRAABE. Sa'i Yeesu
wari aranol, be holaaki mo,
be mbari mo dow
gaafaangal. To Yeesu
Almasiihu ngari fahin, o
laatata Laamiido dow
Isra'iila tan, o laatan
Laamiido dow
duuniyaaru fuu.**



Laamiibe Boodde, Laamiibe Woodaka

Tariya ha nder Wolde Allah, Deftere,


tawama ha nder

2 Habaruuji Nyalaade 33-36

"Damugal Wolde Mada don hokka jayngol."

Jaabura 119:130





Timminol



23



60



**Tariya Deftere ndu don wolwina amin do Allah
amin je boddo je taggi amin e je yidi ha en aanda Mo.**

**Allah aandi min ngadi kujeji kalludum, je O ewnatta hakke.
Eltare aybe dum wade, ama Allah yidi ma be gonga e O nelli
no Biddo mako je gooto, Yesu, ha o maya do Gafangal e be elta
Mo ngam aybe mada, Nden Yesu finni nder wade e dilli ha saare
ha asaman! To a don nuddina Yesu e emmi mo ngam ha O
yaffa hakkeji mada, O wadan dum. O waran e O wondan
be ma jonta, e a wondan be Mako ha abada.**

**To a tammi dum gonga, Yeccu do ha Allah:
Yesu am, mi don nuddina an woni Allah, e lati neddo ngam
mayugo ngam hakkeji am, jonta A don yedda fahin. Useini nastu
ha nde jonde am e yafanam hakkeji am, ngam ha jonde am sanja
jonta, e yende feere mi wonda be ma ha abada. Wallam ngam
hedditugo Ma e yedda ngam Ma bana biddo Ma. Amina.**

Jaangu Deftere e ngewtu be Allah tum tum! Yohonna 3:16

